

CYFYNGIAD AR YR HYSBYSEB: Wedi'i chyfyngu i weithwyr GIG Cymru yn unig

Prif ardal	Tîm CARIS Y Gyfarwyddiaeth Data, Gwybodaeth ac Ymchwil	Safle	Lleoliad y Swyddfa: Ysbyty Singleton, Abaertawe.
Gradd	Ymgynghorydd parhaol sydd wedi'i gofrestru gyda'r Cyngor Meddygol Cyffredinol (GMC)		
Contract	Telerau ac Amodau Meddygol Cytundeb anrhydeddus gydag Iechyd Cyhoeddus Cymru.		
Oriau	2 Sesiwn yr wythnos Parhaol, a gomisiynwyd gan Iechyd Cyhoeddus Cymru gan y cyflogwr parhaol	Dyddiad Cau	i'w gadarnhau
Cyfeirnod y Swydd	***_*****_****_*		

Teitl y Swydd: Arweinydd Clinigol Tîm CARIS

Hyd y contract: Parhaol

Trosolwg o'r swydd

Mae gennym gyfle cyffrous i ymgynghorydd brwdfrydig ymuno â ni fel ein Harweinydd Clinigol ar gyfer tîm Gwasanaeth Gwybodaeth a Chofrestr Anomaleddu Cynhenid Cymru (CARIS) yn Iechyd Cyhoeddus Cymru (ICC).

Bydd yr Arweinydd Clinigol yn darparu arweinyddiaeth gydweithredol i gefnogi'r ymgynghorydd Iechyd y Cyhoedd, rheolwr CARIS a thîm CARIS i gyflawni gwaith, cynghori ar faterion clinigol, a chryfhau cysylltiadau clinigol i sicrhau a gwella ansawdd ein data gwyliadwriaeth. Bydd yr Arweinydd Clinigol hefyd yn cael cyfleoedd i feithrin cydweithredu academiaidd, arwain neu gyfrannu at brosiectau academiaidd, a chefnogi myfyrwyr a hyfforddeion ar leoliad.

Rhaid i'r Arweinydd Ymgynghorol eisoes fod mewn swydd barhaol a benodwyd gan Y Pwyllgor Penodiadau Ymgynghorol (AAC) yn y GIG yng Nghymru mewn arbenigedd clinigol sy'n berthnasol i waith CARIS. Rhaid i'r Arweinydd Clinigol gael caniatâd ei gyflogwr parhaol i neilltuo 2 sesiwn yr wythnos i dîm CARIS. Rhaid i'r sesiynau hyn ar gyfer Iechyd Cyhoeddus Cymru gael eu cynnwys yng nghynllun swyddi cytunedig yr ymgynghorydd (a gyflawnir gyda'i gyflogwr parhaol) a'u cydnabod fel rhan o'i arfarniad ymarfer cyfan.

Mae tîm CARIS wedi'i leoli yn Ysbyty Singleton, Abertawe. Fodd bynnag, mae'r rôl yn agored i unrhyw ymgynghorydd sy'n bodloni gofynion y fanyleb person yng Nghymru a bydd yn ofynnol teithio rhywfaint i'r swyddfa a lleoliadau eraill Iechyd Cyhoeddus Cymru/GIG pan fydd angen. Bydd hyblygrwydd hefyd i wneud gwaith o leoliadau eraill Iechyd Cyhoeddus Cymru ledled Cymru ac i weithio o bell yn unol â pholisïau Iechyd Cyhoeddus Cymru.

Rhaid i ymgeiswyr feddu ar gofrestrriad y Cyngor Meddygol Cyffredinol (GMC) yn ogystal â meddu ar drwydded i ymarfer.

Prif ddyletswyddau'r swydd

- Gweithio ar allbynnau CARIS, gan gynnwys yr adroddiad blynyddol sy'n cyd-fynd â'r datganiad ystadegau swyddogol
- Cynllunio a threfnu cyfarfod(ydd) blynyddol
- Cefnogi'r Ymgynghorydd Meddygaeth Iechyd y Cyhoedd, rheolwr CARIS ac aelodau eraill o'r tîm fel y bo'n briodol
- Mynychu cyfarfodydd tîm rheolaidd, a chyfarfodydd ad hoc yn ôl y gofyn
- Rhoi cefnogaeth academiaidd i'r tîm a'n cydweithwyr academiaidd
- Darparu gwybodaeth glinigol a chymorth gyda chodio achosion anodd

Gweler y Swydd-ddisgrifiad lawn a Manyleb y Person sydd ynghlwm yn y dogfennau ategol.

Manyleb y person

- Wedi cofrestru gyda'r Cyngor Meddygol Cyffredinol (GMC)
- Wedi'i benodi'n Ymgynghorydd Meddygol parhaol (drwy AAC) yn y GIG yng Nghymru mewn arbenigedd clinigol sy'n berthnasol i waith gwyliadwriaeth tîm CARIS
- Dealltwriaeth dda o bolisiâu a rheoliadau sy'n ymwneud â llywodraethu clinigol a llywodraethu data
- Yn gallu nodi, datblygu a dangos tystiolaeth o berthnasodedd gwaith effeithiol gyda rhanddeiliaid allweddol, ac i ddylanwadu ar bobl a pholisi
- Yn gallu cyfathrebu'n briodol ac yn effeithiol gyda gwahanol randdeiliaid
- Yn gallu gweithio'n effeithiol ar draws timau a chefnidiroedd proffesiynol amrywiol
- Sgiliau TG, yn arbennig profiad o ddefnyddio meddalwedd prosesu geiriau a thaenlenni
- Profiad blaenorol o waith academiaidd, fel cyflwyniadau mewn cynadleddau a/neu bapurau cyhoeddedig

Gweithio i'n sefydliad

Iechyd Cyhoeddus Cymru yw Sefydliad Iechyd y Cyhoedd cenedlaethol Cymru. Ein gweledigaeth yw *'Gweithio i wireddu dyfodol iachach i Gymru'*. Rydym yn chwarae rhan allweddol wrth lywio gwelliannau ym maes iechyd a llesiant y boblogaeth, lleihau anghydraddoldebau iechyd, gwella canlyniadau gofal iechyd, diogelu'r cyhoedd a chefnogi datblygiad iechyd ym mhob polisi ledled Cymru.

Caiff ein sefydliad ei arwain gan ein gwerthoedd "Cydweithio, gydag ymddiriedaeth a pharch, i wneud gwahaniaeth". Rydym wedi ymrwymo i greu gweithle cynhwysol sy'n gwerthfawrogi cydraddoldeb, amrywiaeth a chynhwysiant ac yn croesawu ceisiadau sy'n cynrychioli amrywiaeth cyfoethog y cymunedau rydym yn eu gwasanaethu.

I gael gwybod mwy am weithio i ni a'r buddion rydym yn eu cynnig, ewch i

<https://icc.gig.cymru/gyrfaoedd/>

I gael arweiniad ar y broses ymgeisio, ewch i

<https://icc.gig.cymru/gyrfaoedd/gwybodaeth-a-chanllawiau-i-ymgeiswyr/>

Mae Iechyd Cyhoeddus Cymru yn cadw'r hawl i gau'r swydd wag hon yn gynnar. Felly rydym yn annog ceisiadau cynnar.

Os oes gennych anabledd a bod gennych unrhyw ofynion penodol i'ch galluogi i gymryd rhan yn y broses ymgeisio, cysylltwch â peoplesupport.PHW@wales.nhs.uk

Os byddwch yn llwyddiannus ac yn cyrraedd y rhestr fer, byddwn yn cysylltu â chi gan ddefnyddio'r cyfeiriad e-bost a roddoch chi wrth gofrestru. Cofiwch wirio'ch cyfrif e-bost yn rheolaidd.

Rydym wedi ymrwymo i recriwtio teg a thryloyw ac yn credu mewn cyfleoedd cyfartal yn ein gweithle. Ni fyddwn yn goddef gwahaniaethu ar sail oedran, anabledd, hunaniaeth rhywedd, crefydd neu gred, hil neu genedligrwydd, statws priodas neu bartneriaeth sifil, rhyw, cyfeiriadedd rhywiol, patrwm gweithio, cyfrifoldebau gofalu, gweithgarwch gydag undeb llafur neu gredoau gwleidyddol - neu ar unrhyw sail arall. Rydym yn croesawu ceisiadau gan unigolion a allai fod eisiau gweithio'n rhan amser neu wneud cais am rannu swydd.

I weithio yn y DU, mae angen nawdd ar bob ymgeisydd nad yw'n wladolyn y DU neu Weriniaeth Iwerddon i gael naill ai **fisa Iechyd a Gofal** neu **fisa Gweithiwr Medrus**, oni bai bod gennych ganiatâd i weithio trwy lwybr arall. Dylai ymgeiswyr o'r tu allan i'r DU / Gweriniaeth Iwerddon sy'n dymuno gwneud cais hunanasesu'r tebygolrwydd o gael Tystysgrif Nawdd trwy ymweld â **Gweithio yn y DU**. Os ydych chi'n gymwys ar gyfer y fisa Iechyd a Gofal, mae costau ymgeisio yn is ac nid oes angen i chi dalu'r Gordal Iechyd Mewnffudo blynyddol.